

約章成案匯覽

約章成案匯覽乙篇卷十四上目錄

章程

通商門 免稅類

總署咨核定德商船廠免稅各物名目章程文 光緒七年
總署咨擬定德商船廠免稅各物甘結執照文 光緒八年

約章成案匯覽乙篇卷十四上

章程

通商門 免稅類

總署咨核定德商船廠免稅各物名目章程文光緒七年
為咨行事查德國續約第七款內開德商船廠應用雜物准
其免稅由總稅務司頒發清冊晚諭等語前由本衙門創行
總稅務司將德商船廠應行免稅進口各物名目造具清冊
以憑核辦去後閏七月初二日准總稅務司申稱德商船廠
應行免稅各物曾將各口稅務司所具清冊轉行造冊處稅
務司彙造總冊轉送上海理船廳詳細核查等情茲於二十

三
日又准申稱造冊處稅務司尚未將理船廳復行改訂之
清冊轉呈前來惟換約在即現將該稅務司自行擬開之清
冊並各口稅務司所擬章程綜集核奪另擬數條開其一冊
照此辦理即不致朦混偷漏等語應將所繕洋合璧清冊二
分附送前來除由本衙門轉送德國巴大臣查照外相應抄
錄漢文清冊一分咨行

貴大臣轉飭各關道監督等按冊內所開應行免稅各物名
目查照辦理可也須至咨者

右咨南北洋

計開德商船廠修船免稅新章

一凡有德商開船廠修船者其廠內實用修船之物件均應按照新約條款免稅辦理

一凡德商開廠者須赴該關稅務司處請領空白甘結後赴領事官署填明畫押由領事官蓋印後呈交該關存案此項甘結內有兩項要端一本商承當凡有免稅物件進廠不得私賣於他人亦不得私作他用一該關如已查出有私賣於他人私作他用者本商即認罰銀五百兩

一凡德商開廠者除進口時照章赴關報明請領放行單外廠內須立修船免稅物件之冊簿凡有免稅物件進廠均須詳細按日按類註記並須將其如何使用修理何船按日按

類登記註銷

一凡德商開廠者其免稅物件進廠後倘擬將其物件做為他用該商須先行赴關報明一切請領船廠補稅驗單完納進口稅方准起其物件出廠一面一律登記註銷

一凡德商開廠者須准由該關任便派人入廠親視工作並其冊簿等件亦可隨時索看倘有攔阻不許親視工作與不給冊簿閱看以及不將免稅之物按日登記註銷等事該關即將所存之甘結註銷移交該領事官發還一面不准該廠物件此後免稅

以上各章係試辦之章應俟照辦兩年之後或增或減或

改或留再行會同核訂以期歸於至當可也

計開德商船廠修船免稅各物

金類

黃銅 紅銅 鐵 鍍錫鐵 鉛 鋼 錫 鋅

各項 三角 棍 樑 螺絲釘 鑄成各件 箍 彎節

筒 管 板 條 軌軸 片皮 磚絲 八片幾銅

白蠟 并 鋅 針料 合葉 搭鈎 銷 釘 打泡釘 螺

絲餅 鍊轉環 螺絲釘 花頭釘 釘種小釘 開口環

水錫上水機具 水錫筒 龍頭并閘 水汽各表 傳

令鑼 軟墊 吹汽鐘

木類

槓各項 樑 轆餅板 肋骨彎段 彎節 枹 木棍
釘

雜類 灰泥 繩纜 入漆使乾料 檀 火磚 火泥

玻璃 水筒 象皮 噴水機皮 乾纜皮 油散麻 各

色漆 擦漆 黑松香 噴水機 油灰 松香 砂紙

牛油 煤油 匠用各家伙 漆 餅套 面盆架 茅廁

具

一切未能預言實用修船各物

總署咨擬定德商船廠免稅各物甘結執照文光緒八年

為咨行事光緒八年正月十三日准赫總稅務司呈稱查德國續修條約內載船廠雜物免稅一節前經遵照劉文將應行免稅各物並各口擬辦之章程開具清冊申復在案查冊內章程第二條內載凡德商開廠者須赴該關稅務司處請領空白甘結後赴領事官處填明畫押由領事官蓋印呈交該關存案等語當飭江海關稅務司代擬一空白甘結並換發之准單式現據該關稅務司將此結單兩式擬就均尚妥協除通行各關稅務司一律遵照外合行備呈各單三分送請查照分咨北洋大臣各一分備查並將結單各式附送前來查德商船廠免稅各物去年由總稅務司繕就漢洋合璧

清冊二分申送本衙門當於八月初七日鈔錄漢文清冊一分咨行轉飭各關查照在案茲又准總稅務司申送甘結執照各式前來除將原件一分存留備查外相應咨行貴大臣轉飭各關查照可也須至咨者

右咨南北洋

謹按光緒二十七年各國和約施行後議定凡從前免稅各物除行李等項外餘皆分別加徵收足值百抽五業於是年十月初一日開辦前項船廠應用料件按照新章已不在免稅之列特並存之以資攷核

約章成案匯覽乙篇卷十四下目錄

成案

通商門 免稅類

總署咨洋商採辦茶葉免交復進口半稅文 同治三年

總署咨布商續貨免稅並附辦證洋漢文 同治六年

總署咨洋釀進口免稅文 同治十二年

總署咨玻璃器皿進出口均准免稅文 光緒二年

總署咨鐵刀利器免稅文 光緒二年

總署咨輪船裝運免稅油舫限制並須請領准單文 光緒九年

外務部咨中茶入美免稅應禁華商攪雜劣茶文 光緒二十九年

外務部咨俄免海參崴埠華稅仍舊征收文 光緒二十九年

外務部咨德國博士賀格爾游歷隨帶儀器應准免稅放行文

光緒三十年

外務部咨鐵路外國工人食物應准免稅放行文 光緒三十年

外務部咨鐵路外國工人食物擬准免稅辦法文 光緒三十年

外務部咨各國外部寄各領事署官用等物擬准免稅辦法文

光緒三十年

商部咨順天工藝局運送材料應准免稅放行文 光緒二十九年

商部咨實業學堂採購物料請飭免稅放行文 光緒三十年

商部咨實業學堂採買儀器請飭免稅放行文 光緒三十年

外務部照會恰克圖運俄茶糖請飭照章免徵文 光緒三十年

外務部劄湖北鐵廠免稅展限應遵 旨照辦文 光緒二十八年

外務部劄賽會商人運物出口的定免稅章程文 光緒二十九年

外務部劄大東溝野蠶繭經過煙臺酌定免稅章程文 光緒三十

總稅務司呈大學堂購運書籍儀器過關免稅已轉飭稅司遵

辦文 光緒二十八年

約章成案匯覽乙篇卷十四下

成案

通商門 免稅類

總署咨洋商採辦茶葉免交復進口半稅文 同治三年

為咨行事同治三年十月二十五日准咨據江海關道等詳
稱准總理衙門咨漢九兩關出口茶葉洋商販運到滬復是
否均係運回本國銷售此項半稅應否仍在漢九兩關預行
完納如該商並無在中國各口販賣茶葉之事此項保結應
否飭令該商於運茶到滬時在滬關呈具保結之處統希督
飭江海關道並承辦通商委員妥議章程迅即咨復本衙門

以憑核辦等因合行抄單劄關即使確細查明妥議章程具
復以憑咨報奉此遵經函商稅務司狄妥瑪復稱查此項茶
葉均係運往外國之貨所有不復出口之茶葉係途中或因
水溼或有損壞之故查咸豐十一年由漢九兩關來滬茶葉
十五萬六千三百一十一担復出口往外國者十萬零九十二
担六十斤同治元年由漢九兩關來滬茶葉三十四萬七
千一百六十三担復出口往外國者三十四萬六千七百十
四担同治二年由漢九兩關來滬茶葉四十二萬四千一百
零四担二十斤復出口往外國者四十三萬六千零五十四
担九十斤係轉運外國之數其咸豐十一年進口多而出口

少而同治二年出口之數轉多於進口之數者皆因每年進口之茶不能定於當年全數復出口亦有年底進口之茶須至開年方能出口者至於半稅應否仍在漢九兩關預行完納查暫存半稅章程原為免商人所報復出口之貨在口私銷漏完半稅之弊是思章程原意係體查以上復出口實在情形此項茶葉暫存之稅實可不必徵收所有呈具保結一節應於交存半稅之口呈具至於現在該茶已在漢九等關完出口正稅應由該口發給出口正稅執照由商人帶至本關呈繳日後復出口時本關即發轉運外國執照回漢呈驗至由鎮江照之船或內地土船運來照現在章程係於原進

之口完納暫存半稅據本稅務司所見此項鎮江照之船及內地土船運來茶葉將來到上海可不必徵收半稅亦令呈具保結緣皆係復出口茶葉應一律辦理免交暫存半稅各等語函復前來伏查秋稅務司所議各層尚稱妥洽應請嗣後洋商在漢九等關由江照輪船裝運茶葉來滬既係運往外國之貨所有暫存半稅免其預納以順商情飭令仍在原口呈具保結發給出口正稅執照由商人帶至江海關呈繳日後復出上海口時本關驗明實係原包原貨並無折動抽換情弊並查明該貨果在一年限內轉運出口即行發給轉運外國執照並於照內填明該貨前在某口某號出口正稅

執照內撥出之貨該商持回原口呈驗請將所具保結註銷如該茶在長江各口呈具保結之日起已逾一年限外並無江海關轉運外國執照呈驗即係未經復出口之貨仍令裝貨各關隨時查明保結飭令補完半稅似此辦理所有逾限出口之茶葉在原口既有稽考於稅餉亦不致隱漏核與向辦章程仍相符合至由鎮江照之船及內地土船運來茶葉到上海時亦免其徵收半稅飭令呈具保結以歸畫一是否有當理合詳祈鑒核俯賜咨復總理衙門核示飭遵等情據此相應咨請查核見復等因本衙門查漢九兩關茶葉洋商販運出口既據

貴大臣轉飭查明每年均係運往外國並無在口私行銷售偷漏等項情事議請免其預交復進口半稅並明定章程使漢九兩關與江海關互相稽考所議尚屬周妥應准照辦除照會法國駐京公使外相應咨覆

貴大臣轉飭江漢九江鎮江上海各該關道一體遵照辦理並就近剴知赫總稅務司查照可也須至咨者

右咨南洋

總署咨布商繡貨免稅並附辯證洋漢文

同治六年

為咨行事同治六年七月二十九日據布國公使照會內稱上海泰妥洋行去歲以一項繡貨進口海關使其按值百抽

五之例納稅上海本國總領事官因此等繡貨按布國條約通商章程第二款內載作為免稅請飭海關使該繡貨即係阿的戈得大必司里免稅進口等因當經本衙門劄交赫總稅司查明聲覆並照復布國公使在案茲據赫總稅司復稱查明阿的戈得大必司里委係約內載明應免稅之貨並請劄知各關除英約第二款內載應免稅貨物外其布約另載有應免稅之貨阿的戈得大必司里即係繡貨凡遇此等繡貨進口出口均應一體免稅等因申覆前來本衙門查此案既經該總稅司查明阿的戈得大必司里實屬約內載明應免稅之貨自應將所征稅銀發還該商收領至布國照會內

稱利銀一節應毋庸置議除由本衙門知照上海通商大臣
照會布國公使並創知總稅司一體查照外相應抄錄申陳
咨行

貴大臣轉飭各口遵照可也須至咨者

右咨三口

附錄赫總稅司申呈

為申呈事布商泰安洋行鋪貨一事日前由

貴衙門將布大臣十月初九日之照會函送到本司業經詳
閱竊查該江海關誤以布國善後條約第二款法文所載阿
的戈得大必司里字樣與漢文所載之種字其物似屬一類

是以飭泰安洋行將運進口之繡貨照值百抽五之例報稅
現據該商向該駐京大臣稟稱阿的戈得大必司里與繡貨
一類應歸免稅之例請將所完之稅銀連本帶利一併發還
等情按法國所定字典大必司里之意係以針穿絨線或絲
線金線在紗中上下針穿繡物有以手持紗而繡者亦有以
木架將紗繡緊而繡者等語既以該字典講義為憑則江海
關此次誤收繡貨之稅自與條約所載以上各物進出口皆
准免稅之例不合即應將誤收之稅由該關發還飭交該商
領取惟所請連本帶利發還一節查條約內載凡有辯論之
處自應照條約第五款以法文為證而第五款載明有至於

現定和約章程用中國文字並德意志字樣合寫兩國公同
較對無訛數語江海關當以洋文之阿的戈得大必司里字
樣與漢文之禮字實屬一類是憑條約之合寫無訛辦理豈
得謂有違悖條約處耶蓋既屬兩國大臣商定其洋文漢文
定已同歸於無訛該關以一屬員豈能另出已見致違兩國
大臣已訂之約耶江海關以為若禮字與大必司里字樣實
屬一類則繡貨既非禮貨其非條約所指應免稅之大必司
里可知也且英美兩國前數年所定條約均載有禮字而英
文美文所譯之加巴丁之樣實屬禮類並非大必司里是以
江海關更以該商之繡貨未便照免稅禮貨辦理飭照值百

抽五例納稅一面請駐滬總領事將辯論之處詳駐京大臣
再為商訂查江海關所辦各節實為正辦且既照章辦理並
恐猶有不合之處復請總領事詳駐京大臣再行商定亦屬
公便況既經詳明駐京大臣續貨即大必司里之類應行免
稅則漢文之禮字即英文應譯為加巴丁之貨名而加巴丁
與大必司里實屬兩類其禮字則不能譯作法文之阿的戈
得大必司里之用以致條約之較訂無訛一語為非而易生
誤會江海關起初之不肯免續貨稅者其誤實出於該條約
洋漢文較對無訛之故也至該商因本失利而喫虧一節試
問其利用中國賠平伏思當時原係布國來至中國請訂條

約二則其在事傳話之人均係布國所派之人中國並無一
官約內洋文中國無人可識三則中國商訂修約之大臣並
無另有他議皆照前所訂約相同因此倘該約內有另行立
異之處自係出自布國商訂大臣之意四則中國未設繙譯
之官並無識洋文之人條約雖有公同較對字樣然詳核字
字均符並亦無訛其責重事宜在布大臣繙譯身上以上四
節中國官照約內漢文辦理施行倘遇略有誤會之處則布
國似不必急切即如以禮字當大必司里作用布商順約貿
易而喫虧其喫虧處似難以向中國是問然則應何國賠補
乎實係布國而無疑也再布國與中國所訂之約第一因欲

立定友睦之誼且條約之大意係遇有不洽之事應竭力勸
息江海關本執有續貨不准免稅之原委復仍請駐京大臣
商訂其所辦則即勸息之意若如該商請本利俱還豈知征
稅者原係因條約有載明無訛而始收其稅而其中既猶有
存訛之處則帶利發還似覺有見責之意茲續貨已查明係
大必司里所納之稅自應發還惟論條約商定之情形並所
載較對無訛之明文及漢文用穆字作為大必司里之錯處
各節則利息應在布國發給倘必須中國發還則似謂中國
有故違定章並有失約責罰之意也總之江海關既係將應
免之貨物征稅則應照數發還惟帶利發還一節實有不合

之處礙難照行專此備申即請查奪施行須至申呈者

總署咨洋釐進口免稅文

同治十二年

為咨行事同治十二年三月二十八日准咨據江海關稟稱
西洋國商人通源報有洋釐一百件進口免稅轉運蘇州完
納半稅請填內地稅單轉給等因當查善後條約第二款所
載免稅各物係指洋商自用者而言今通源行洋釐有一百
件之多運入內地係屬售賣自應補完進口稅銀即經援案
函復去後該商因須補完進口正稅並未運蘇旋將已完半
稅請給存票事遂中止茲據欽稅司來函接赫總稅務司核
覆通源行洋釐係列名免稅之貨無論運進多少膏與何人

皆不能征其進口稅銀等因究竟應否補征職道未敢擅便
理合稟祈咨請總理衙門核覆飭遵前來本衙門查前因英
商飛龍行德國世昌行運有奶油手套等件進天津海口請
發存票經本衙門劄交總稅務司查明應征應免據實申復
茲據復稱免稅各物通商章程第二款載有明文其中諸物
可歸免稅之類者共有三說一謂分件之物二謂例類之物
三謂統括之物此次商人所運奶油即章程內牛油之屬所
運手套小鞋即章程內外國衣服之屬所運玻璃蠟臺即章
程內玻璃之屬是此兩案均係應准免稅之物又稱現在通
商各口均係免本家本船用物之稅而於分售與人之物除

第二款內註明應免者外其餘雜物若非稅則載明納稅之物又非在免稅之例者均照值百抽五之例辦理等語當經本衙門以該兩案既係與各口現在通辦之法相符自應一律辦理方可使商人無可置喙已經咨行北洋大臣轉飭津海關道遵照並飭復總稅務司在案茲西洋國通源行洋鐵進口一案查洋鐵亦係章程內註明免稅之物與前次飛龍世昌兩行之案事同一律應照前案辦理惟西洋國係未經換約之國祇准在海口通商不准將貨物運入內地以示限制相應鈔錄總稅務司申呈一件咨行貴大臣查照可也須至咨者

右咨南洋

附錄赫總稅務司申呈

為申復事奉到同治十一年正月初八日

劄文內開同治十年十二月十八日二十三等日迭據威大
臣照會以天津英商飛龍行有奶油手套小鞋等物進口被
關征稅一案請為繳還等因查英國善後條約第二款內載
外國家用雜物船用雜物等項進出通商各口皆准免稅等
語所謂家用船用原指物係自用並非售賣與人而言飛龍
行手套小鞋等物查津海關接天津稅司函報均係出售之
物其非自用之物可知溯查同治三年廈門收黃銅片稅銀

一案威大臣照稱係船塢用物請與免稅之上海各口畫一辦理當經本衙門查據上海大臣李據欵稅司函稱此銅片指明係本船修船所用向照善後章程第二款船用雜物免稅如不指明何船所用以及船廠商人運進者向均征稅等語本衙門因劄知總稅務司轉飭各口仿照上海一律辦理在案又同治六年間據布國李大臣照稱上海泰安洋行有挂簾進口係家用雜物按值百抽五之例征稅領事向關討銀一案總稅司申復向辦之法凡某家某船運物進口係本家本船用物均應免稅倘係該商分售與衆人之物除第二款註明之物應免稅外其餘各樣雜物均應照值百抽五之

例征稅如此實為公平等語本衙門以此項挂簾既係進口銷售並非自行家用自應納稅照復布大臣亦在案且查上年十二月間南洋大臣造送總稅務司請發各起存票清冊內開美公司代公司鞋子一件四十雙同治九年八月二十九日進口九年九月十九日出口運往東洋請還存票銀一兩二錢是鞋子一項上海進口收稅已有成案此案飛龍行進口奶油各物本係家用雜物之類而據報均係出售核與從前辦過黃銅片各成案情形相同此項稅銀究應如何辦理不致與從前辦過各案兩歧並以復遇有此等案件亦不致有窒礙之處相應劄行總稅務司查核申復等因奉此溯

查同治六年七月十九日上海布國商人泰安洋行挂簾一案經總稅務司申復文內稱向來辦法凡有某家某船運物進口係本家本船用物均應免稅倘係該商分售於衆人之物除第二款註明之物應免稅外其餘各樣雜物均照值百抽五之例征稅如此辦理實為公平至泰安洋行挂簾之物據江海關費稅司申稱實係進口銷售之物並非自用之物是以令其納稅並稱倘准此等雜物均行免稅則於稅課實無出入等語至應否令挂簾之物納稅當議訂條款之時本司實未在场無從知條款中用意之所在惟布國條款係

青衙門大臣崇
三口大臣崇
辦理兩位大臣自係細心斟酌所訂應請由

貴衙門將家用雜物船用雜物二語分別解明方能定泰妥
洋行之案及免後來牽合之悞等語又查同治六年八月十
一日泰妥洋行舖貨一案經總稅務司申復內稱條約免稅
章程本意凡係通商各口之洋人自用之件均應免稅則洋
商運物進口雖係銷售若祇係賣與洋人即屬洋人自用之
物既應免稅亦應禁止轉售於華民若係賣與華民似應另
行納稅倘條約本意係按

貴衙門所解但分是用是賣數語之意則泰妥洋行之舖貨
係進口售賣於人自應照值百抽五之例納稅善後條約第
二款所載免稅章程原不明晰以致辯論嗣於同治八年修

英國續約之時始將免稅章程改作兩款擬將家用雜物船用雜物分別開明以免牽混後因新議之條約尚未互換故所議未經辦就以致現在天津又有布國世昌洋行運手套玻璃蠟燭進口又有英國飛龍洋行運奶油手套小鞋等物進口被關征稅各商不服之兩案至劉諭鞋子一項上海進口收稅已有成案一層總稅務司並未據該關稅務司將此案情形詳細聲報其所以然總稅務司無從知之若云因上海曾有鞋子完過稅銀亦飭將天津之奶油納稅如此立論似難服人自未便援引作為成案即以鞋子一項而論章程內載外國衣服進出各口皆准免稅等語若衣服二字包有

鞋子在內則鞋子進口亦應按章免稅若云衣服為衣服鞋子為鞋子章程內並無鞋子字樣則鞋子進口均應納稅惟奶油與鞋子不同查免稅章程內載牛油進出各口皆准免稅等語則無論多寡無論自用或賣與人既經章內指明免稅是牛油一項應否免稅即無可辨論自應免稅更難云此次之奶油照上次之鞋子辦理至免稅章程現在應如何辦理與以後應如何辦理兩層竊思現在應如何辦理一層查通商章程第二款內載凡有金銀外國各等銀錢麪粟米粉砂穀米麪餅熟肉熟菜牛奶酥牛油蜜餞外國衣服金銀首飾鏡銀器香水蘇炭柴薪外國蠟燭外國煙絲煙葉外國酒

船用雜物家用雜物行李紙張筆墨毯毯鐵刀利器外國自
用藥料玻璃器皿以上各物進出口通商各口皆准免稅等
語若將此條款語意細核可知諸物之有一定可歸為免稅
之物者若有三說可憑分為三樣名目一所謂分件之物即
奶油係已成物之專名二所謂例類之物如裙衫祆褂通衣服名之三所謂統括
之物如概以家用雜物而名之款內云以上各物皆准免稅若以第一樣
分件而言是免稅之章固無難解之處此等物進出各口無
論件數多寡無論是否自用按章辦理似易指明為應免稅
之物如此而論飛龍洋行運進口奶油確係章內分件指明
之物自應免稅至第二樣以例類而言核之免稅之章亦不

難解止應以已成用物者免稅不准以材料免稅是前在上
海之鞋子倘係衣服例類既係成物之件自應免稅此次到
天津之玻璃蠟臺手套小鞋均係例類內成物之件亦應免
稅若以第三統括而論則家用雜物四字其名目不但免稅
章程所指明之物在內即稅則內應納稅之物大半均可稱
為家用雜物是應否免稅不能因是否成件是否材料而定
凡有物件進口若該商以為係家用雜物請免稅該關即應
查明此物是否為免稅章程內載之名目若載有其名則應
免稅若其名未載於免稅章內即應查明稅則內應納稅之
物有此名目否若稅則有此名目此物進口即應納稅若此

物並非免稅章內載明免稅之物又非稅則內載明納稅之物該關即應查明是否自用之物或係賣與衆人之物若係自用者即可按通商章程第二款免稅若係賣與衆人之物即照通商章程第一款云倘有貨物名目進出口稅則均未賅載又不在免稅之例者應照值百抽五之例辦理至世昌洋行手套玻璃蠟臺一案

貴衙門十年十二月初九日劄文內明不准免稅之意原係以家用雜物而論惟各該商請免稅者並非因其物為家用雜物而請免稅據稱運奶油進口係憑牛油為免稅章程載明之物而請免運手套小鞋進口係憑免稅章程所載外國

衣服之類而請免運玻璃蠟臺進口係憑免稅章程載玻璃器皿之類而請免運有條約章內未載之物若該商以係家用雜物請免則該關應詢及是否自用之物或可飭令納稅亦未可定惟世昌飛龍各商赴關報明之物既係免稅章程內載有此分件名目則自用與否該關則無須詢及而令其納稅即不能無悞至通商各口現在征稅之分均係按照凡有某家某船運物進口係本家本船之用物均應免稅倘係該商分售與衆人之物除第二款註明之應免稅者外其餘各樣雜物均照值百抽五之例征稅或有商人誤以無庸納稅之物而納稅或有稅司將原可准免之稅而征之此亦事

所難免但各口總章胥應照以上現在征免之分辦理為是
至以後應如何辦理一層總稅務司止有仍請

貴衙門會同駐京各大臣將征免之稅則分晰指實剖別明
確若准照所請即應憑一律例將貨物名目開列凡有免稅
之物無論何商進出各口無論件數多少無論係自用或賣
與人均應免稅凡有各項雜物若非稅則載明納稅之物又
非在免稅之列均應照值百抽五之例辦理總之此次世昌
飛龍各洋行運進口之牛奶油手套玻璃蠟臺小鞋等物總
稅務司以為均係應免稅之物與銅片掛簾兩案有別彼征
此免各得其宜不致有兩歧之說各口辦理免稅事件總稅

務司以為應以三樣分言之即所謂分件之物例類之物統括之物合行申請核奪須至申呈者

總署咨玻璃器皿進出口均准免稅文

光緒二年

為咨行事光緒二年五月二十三日准德國巴公使照會稱本國信遠行運玻璃器皿進口津海關道令其交納銀稅請飭將此項貨物免稅放行二十四日又准北洋大臣咨據津海關道詳稱准德國壁領事函開信遠行進口玻璃球按善後章程免稅惟前有此物進口久經商辦未聞議妥將該行甘結送收暫時免稅放行並將來往信函錄送各等因當經本衙門鈔錄各件劄行總稅務司查核申復茲准申陳內稱

德國巴大臣文稱條約法文內載明玻璃器皿係免稅之物等語復為詳開條約法文自用二字係專指藥料而言與玻璃器皿四字斷而不連按照德約法文而論雖係售賣與人之物而仍係免稅之物再善後條約內註明凡有玻璃器皿進出口皆准免稅而進口稅則又註有玻璃片千里鏡照面鏡各應完稅銀若干出口稅則又註有各色料器料珠應照出斤完稅銀若干之文是玻璃一類除中國料器料珠應照出口稅則納稅並外國玻璃片千里鏡照面鏡應照進口稅則納稅外其餘各玻璃器皿進出口皆准免稅等因前來本衙門復查玻璃器皿免稅計與稅項大數尚無出入應即照准

除照復德國巴公使並創復總稅務司外相應咨行
貴大臣查照可也須至咨者

右咨北洋

總署咨鐵刀利器免稅文 光緒二年

為咨行事光緒二年八月十六日准德國巴公使函稱本國
上海領事官詳據科咕行稟稱該行以鐵刀利器進口新關
欲征稅銀查德國善後條約內載鐵刀利器等物進出口通
商各口皆准免稅請飭各口新關嗣後鐵刀利器均應照
約免稅放行等因當經本衙門創行總稅司查明聲覆在案
茲據總稅務司申稱查德國通商章程善後條約第二款內

載凡有鐵刀利器各物進出口通商各口皆准免稅等語因
有是條約故遇有鐵刀利器等物毋論為自用為售賣與人
以及其物為數若干必皆准免稅方為與條約原文字樣相
符此等料咭行運進口之物均屬鐵刀利器之類江海關稅
務司以各等物係售賣與華人並非自用之物因思不免稅
似與條約之意尚無不符已於八月初六日申報到總稅司
以該稅務司如此講解條約亦有是說然實因無明文可憑
祇可按照條約免稅辦理等因前來本衙門覆查無異除函
復德國公使外相應咨行
貴大臣查照可也須至咨者

右咨南洋

總署咨輪船裝運免稅油斤限制並須請領准單文

光緒九年

為咨行事查山海關營口地方油斤係為出口大宗近來各國輪船多有在彼載運出口者唯查通商章程船用雜物皆准免稅以致各輪船載油出口雖多至千數百斤皆以自用為名不肯納稅甚至有不請准單即將油斤下船等事亟應明定章程以防流弊經本衙門劄准總稅務司申稱查此項油斤各輪船用以擦抹機器大船與小船無甚差別程途雖有遠近然各船備此項油斤係計日而備雖停而不駛亦需此油擦抹機器故不便因船隻大小程途遠近定油斤之額

數惟日前山海關稅務司曾申請應裝油斤若干免稅當覆
以一十之數為額錄自華往英無論船隻大小十斤之油足
數程途之用以來往通商各口岸之船而論其數亦足敷兩
三月之用且十斤之油所免稅銀不過三兩之數與稅項大
數無甚出入但裝此免稅之油斤船商必須照章將其油赴
關候驗請領下貨准單方准放行等語申覆前來本衙門查
赫總稅司所稱輪船自用油斤以一十斤為定額與稅項無
甚出入並須赴關請領准單等語辦理尚屬允協相應咨行
貴大臣通飭各關即照總稅務司所擬辦理以歸一律須至
咨者

右咨北洋

外務部咨中茶入美免稅應禁華商攬雜劣茶文

光緒二十九年

為咨行事光緒二十九年正月十八日接准駐美代辦使事
沈參贊桐上年十一月十二日來函內稱美議院已於本月初三日開議開院日各國使臣咸集美總統條諭應議事宜
中有入口稅則一條言貨物為別國所有我國所無者或為
我國所有別國所無者宜立彼此免稅之約以利民用查中
國茶葉每年入美為數孔多近來美稅加重銷流較滯現美
國麥麵入中國口岸概免抽稅中國之茶入美國口岸亦應
免稅方為公平前經伍大臣將此議向美外部抗說外部答

允可以商議惟須議院詢謀僉同方能定局今議院已開當
即重申前說已將中國茶葉之稅自本年十二月初三日起
即西歷一千九百零三年正月一號全行免抽等語經本部
電詢現在是否舉辦據復茶稅全免乞飭各關嚴禁攙雜劣
茶出口各等因查華茶行銷外洋近甚疲滯美既免稅自應
嚴禁攙雜劣茶以期暢銷相應咨行
貴大臣查照轉咨產茶省分飭知各關嚴示該商人一體遵
照可也須至咨者

右咨南洋

外務部咨俄免海參崴華稅仍舊征收文光緒二十九年

為咨行事前據海參崴商務委員李家鑒呈稱俄免歲埠華
稅華商宜趁此運貨前往必獲厚利另具條陳分行等情本
部業經通行在案茲又據該員呈稱接俄國海參崴稅關文
稱奉本國戶部尚書諭所有在歲免華貨由海入口之稅應
於俄歷二月一號起即華正月十七日仍照舊章征税等因
查前所陳宜銷之貨類皆細軟備西人之用價本既輕不妨
繞道東省既可隨路試銷仍可運歲免稅俄人賦性奢華不
拘價值華商改轍貿易猶能支持勿以誤會中止致礙商務
請再通行京外督商各衙局出示曉諭俾得周知等情前來
相應咨行

貴大臣查照辦理可也須至咨者

右咨南北洋

外務部咨德國博士賀格爾游歷隨帶儀器應准免稅放行

文光緒三十年

為咨行事光緒三十年三月初六日准德國穆使函稱奉本
國外部劄開本國博士賀格爾於本年間往東亞一帶游歷
考查格物一切需用天文格物各儀器數件遊竣仍帶回本
國應請中國政府允准於此項儀器進出口時均免納稅等
情本大臣查賀格爾約於本年八月間堪抵上海該處本國
總領事署再請給發護照請現時轉飭沿途地方官俟該博

士遊歷時隨帶各儀器進出口均免納稅以便轉申本國政
府俾賀格爾亦可起程等因前來本部查德國博士賀格爾
游歷東亞一帶隨身帶有各儀器係為考查格物之用自可
於進出口時均准免其納稅除函復德國穆使外相應咨行
貴大臣查照轉飭各關道遵照可也須至咨者

右咨南北洋

外務部咨鐵路外國工人食物應准免稅放行文

光緒三十
年

為咨行事據總稅務司申呈奉到四月二十九日鈞劄內開
光緒三十年四月二十三日准署雲貴總督咨稱據臨安關
道呈報本年正月准蒙自關稅務司聶務滿照稱本日據法

國商人博勞當來關報稱有鐵路各食物箱共三百六十二件運入內地售賣與鐵路工員及包辦食用各員此項食物進口時係已經免稅之物今報價值一萬五千五百八十七法郎每關平銀一兩折合三法郎零五二共折合關平銀四千四百二十八兩一錢三分按每百兩抽二五算該共抽子口稅銀一百十兩七錢三釐已照完稅發給子口單與報關人等情查本稅務司開導必飭完納子口稅之故者緣造修鐵路曾奉總署來文凡鐵路物料進口時由鐵路公司具結報關放行子口稅則並未別有明文且中法滇越鐵路條約載明機器物料想各工員與包辦等之食物必不在內案查

蘆漢津鎮華俄東省各鐵路之約必有定例今滇越鐵路物料想必按照辦理除申呈總稅務司外希查照呈請查核等因理合具文請示飭遵前來本署部堂查鐵路章程僅載應用機器物料免稅並無公司運入內地售與工員及各包工食用各色應行免稅之文該稅務司所請不為無見應請轉飭總稅務司核明飭遵等因相應據咨創行總稅務司查核聲復等因奉此總稅務司查核稅務司擬令完稅原無不合惟鐵路章程凡屬機器物料全行免稅之原意係所有關繫此項鐵路工程各件毋庸納稅但此重大物件既准免稅則該工所需之零星食物更屬細微之事且即予以一併豁免

亦殊與國課無關出入自可照准免納為宜前據該稅司電請示遵當經復以照物料比例免稅去訖現奉前因理合備文申復鑒查施行等情據此相應咨行
貴督查照轉飭該關通知悉可也須至咨者

右咨雲貴

外務部咨鐵路外國工人食物擬准免稅辦法文

光緒三十年

為咨行事雲南建修鐵路外國工匠人等食物免稅一節前准貴督來咨當由本部劄交總稅務司酌議聲覆業於五月初八日咨行查照免稅在案旋於六月十五日准法呂使函請並擬免稅辦法四條一凡有進口免稅食物專為鐵路人等之用

二此項食物勿得轉售他人三凡有請領免稅單之時應由法國駐蒙自領事官過目畫押四一俟鐵路告竣後停止免稅請酌核施行等因本部核其辦法尚屬周妥除飭知總稅務司轉飭該關稅司照辦暨函復法呂使外相應鈔錄原函咨行

貴督查照轉飭該關道知悉可也須至咨者

右咨雲貴

外務部咨各國外部寄各領事署官用等物擬准免稅辦法

文光緒三十年

為咨行事光緒三十年六月初四日准德穆使函稱各口本

國各領事署公用物件免稅一事茲將所擬辦法開列如下
每逢駐中國某口本國領事署准本國外部文開發去箱子
一隻裝載該領事署辦公所用紙張信封鉛筆鋼筆頭火漆
縫文書針綫打字機器國旗等類則該領事署立即轉知某
海關並附送外部發來文書原文內書物件如數詳細開明
如另有提貨單亦一併送往並將箱上如何字記號數逐件
開清海關始允免進口稅放行如此辦法最為簡易請轉飭
各海關照辦等因查本部上年因駐京各國大臣以優待領
事為請特通融准各領事初到任隨帶自用器具免稅既於
照復各國大臣文內聲明仍照向章免徵各國外部特寄領

事署內官用紙筆等項之稅等語在案此次德使因此事再三請本部通飭各海關照辦免得每寄到物件一次知照一次以省往返筆墨之煩既准函稱前因所擬辦法尚屬詳明自應允如所請嗣後各國外部有特寄各口該國領事署官用紙筆等項如該領事知照海關並附送該外部發來文書或另有提貨單亦一併送到該關查驗物件記號果係相符即可免稅放行仍將免稅數目按結彙造清冊送部查核相應抄錄上年通行各使照會咨行

貴大臣查照轉飭各海關監督遵照辦理可也須至咨者

右咨南北洋

附錄通行各公使照會

為照復事光緒二十九年九月十三日接准

聯銜照稱查從前外國駐華領事自用物件進口時一概免稅現在海關以為此等物件亦應完納進口稅是以聯銜各大臣議舉中國政府以優待之情准外國駐華領事蒞任時所帶器具概行免稅其在任所自用物件按海關以後所定限制免稅等因本部查前年京中會議新約時各國條約善後章程均有某貨免稅之專條條內並載明應免各物之名目各口海關見此等物無論官商教士報運均即憑物免稅並無特免領事官之事更無領事官免稅之條新約議定即

將從前免稅各貨之條作廢各關即憑此新約見有從前免稅之物均即憑物徵稅亦不分別官商教士所運仍無特免領事之專條更無改徵領事之辦法乃係憑約按貨稽徵足見無一概免稅之規也惟

各國大臣既以優待領事為請現本部定一通融辦法凡領事官除照向章免徵該國外部特寄署內官用紙筆等項之稅外初到任進口時倘駐京大臣於知照本部之文內另請免徵並開具請免器具之清單則可特准該領事初到任隨帶自用器具免稅此外各物並嗣後續運之物暨署內隨帶人員之物均不在此准免之例此係優待之辦法並非添改

約章合併聲明相應照復

貴大臣查照仍希見復以便行知各關遵照可也須至照復者
商部咨順天工藝局運送材料應准免稅放行文
光緒二十九年
為咨行事案查順天府遵

旨設立工藝局專為開通民智起見所有購運貨料來京歷經援照
欽定大學堂章程咨請照驗免稅放行在案茲於光緒二十九年
八月初一日奉

旨歸併本部自應援照前案一律辦理嗣後工藝局所有在外省
購買一切材料運送來京由本部給發刊就商部工藝局護
照填明何項物件數目若干沿途關卡一經呈驗相符隨時

免稅放行毋稍留難如有夾帶私貨准其照章究辦惟不得扣留該護照內所填公料以致曠誤工作相應咨行

貴督查照轉飭津海關道暨稅務司一體遵照辦理可也須至咨者

右咨北洋

商部咨實業學堂採購物料請飭免稅放行文 光緒三十年為咨行事案查光緒二十八年經管學大臣奏准學堂需用物件或向外洋購運或內地採買經過關卡請一律免納稅鈔並將各物名目開列清單發給印單持赴經過關卡驗明印單隨即放行歷經大學堂遵辦在案現在本部奏設實業

學堂修建房舍工程需用外洋物料業經遣派天義木廠工頭郝德寬領款前赴天津採購相應將採購物料名目件數開具清單咨行

貴大臣查照轉飭津海關道及抽收木稅卡局發給官物免稅護照運京應用可也須至咨者

右咨北洋

商部咨實業學堂採買儀器請飭免稅放行文光緒三十年為咨行事案查光緒二十八年經管學大臣奏准學堂需用物件或向外洋購運或內地採買經過關卡請一律免稅放行歷經大學堂遵辦在案現在本部奏設實業學堂應用儀

器等件業由本部章京柏銳等由東洋採買運送到津計共七十九件相應咨行

貴大臣查照轉飭津海關道發給免稅護照運京應用可也須至咨者

右咨北洋

外務部照會恰克圖運俄茶糖請飭照章免徵文

光緒三十年

為照會事光緒三十年二月初十日據庫倫辦事大臣文稱

查由恰克圖運俄茶糖向章均不徵稅自庚子年聯軍入京

俄始收稅紅茶以分合稅一分重華秤十一兩二錢每分收

俄洋六十二文半計茶一箱原本不過四十二三兩稅銀約

需四十五六兩餘冰糖以蒲合稅一蒲重華秤二十七斤半
每蒲收俄洋三百七十五文計糖一籠原本不過四五兩稅
銀約需五兩六七錢餘其餘磚茶併按每分六文一釐半徵
稅合計所收數目均過於原本以致赴俄華商半多虧歇而
庫倫至張家口一帶商務亦因之窒礙現經本大臣與駐恰
俄員會晤詢以此項稅務前因失和征收今既各敦睦誼應
即停征否則兩國貨物均應有稅方昭公允俄員亦無可置
辯請與

駐京大臣會商議定停徵等因前來本部查此項茶糖俄稅
既係向章所無自應仍照向章辦理相應照會

貴大臣查照轉飭駐恰俄員遵照向章免其徵稅以恤商情而昭睦誼須至照會者

右照會俄公使

外務部劄湖北鐵廠免稅展限應遵 旨照辦文 光緒二十

八年

為劄行事光緒二十八年二月二十三日准呈稱據江漢關署稅務司斌爾欽呈稱湖北鐵廠製鐵免稅放行一節於光緒二十七年十一月十一日為該廠免稅限滿之期嗣准江漢關監督照稱二十七年十一月十三日奉盛大臣文開二十七年九月二十一日在江蘇上海縣行館會同湖廣總督具

奏湖北鐵廠製鐵免稅期滿懇請展限五年一摺奉

硃批著照所請該部知道欽此備文照請欽遵等語相應照會查照辦理等因當即遵辦在案惟此事究係應否施行合行呈請核示等情查此事未奉外務部明文不敢擅定理合申請示覆等因前來本部查鐵廠免稅展限一事業已奉旨允准自應一體欽遵相應劄行總稅務司轉飭各該稅務司遵行可也須至劄者

右劄總稅務司

外務部劄賽會商人運物出口的定免稅章程文

光緒二十九年

為劄行事本月十八日曾以近來賽會風氣大開官商均有

運物出口之事應否議定稽查專章以防影射偷漏之處劄行總稅務司酌核聲覆在案茲據申稱凡有出口貨物均係於貨將入船時報關是關員實無暇逐一清查去向且不能稽延船行時刻只可照貨色徵稅放行所謂影射之弊勢所難免惟既准赴會物件得享免稅之益自可定立專章以保稅權現擬凡欲運物赴賽某會者須先由本商請由該會監督發一運物執據俟所運之貨報關出口時將此執據一併呈驗方准免稅無執據者照則納稅俟貨到會時由監督查明與原執據所載若有增減惟該商是問云云理合備文申請核復以便通行飭遵等因查各國舉行賽會層見叠出中

國未必每會皆派監督前往即使派有監督而商人散處各省概令呈請該會監督給照勢亦有所不便如今由就近海關監督處呈請給照較為簡捷茲酌定章程如下凡欲運物赴某處賽會者須由本商先期赴就近海關監督處呈請發給運物執照所運貨物報關出口時將此執照一併呈驗方准免稅仍隨案報明本部存查無執照者照則納稅自此次定章後遇有賽會悉令照此辦理除咨行南北洋大臣轉飭各關道遵照外相應創行總稅務司通飭各關稅務司遵照可也須至創者

右創總稅務司

外務部創大東溝野雞嶼經過煙臺酌定免稅專章文

光緒三十年

為創行事光緒三十年正月初十日據總稅務司申稱案查野雞嶼一項前曾由日本大臣請按值百抽五徵稅旋經德國大臣函同前由當經備文呈由貴部允照在案當時德國大臣函內並稱有德商由青島赴奉天省之大東溝購辦野雞嶼之事惟青島現尚無船照內港章程逕行往來大東溝中途須經煙臺入棧拆改包裝方赴青島應將煙臺作為中途必經之處俟到青島方由膠海關徵收辦理是煙臺一處自應訂有辦法方為妥實當經飭令東海膠海兩關稅務司參酌申復現據東海關稅務司先將經過煙臺免徵專章酌

擬申復前來合即備文錄呈請為酌奪等因本部查大東溝野雞嶼經過煙臺該稅務司所擬免徵專章尚屬妥協除咨行北洋大臣轉飭東海關道遵照外相應劄行總稅務司查照轉飭東海關稅務司遵照辦理可也須至劄者

右劄總稅務司

總稅務司呈大學堂購運書籍儀器過關免稅已轉飭稅司遵辦文光緒二十八年

為申復事奉到本年十二月初二日

鈞劄內開准管學大臣吏部尚書張百熙奏大學堂需用書籍儀器等件擬請一律免稅一片光緒二十八年十一月十

九日奉

旨外務部議奏欽此據原奏內稱大學堂需用書籍儀器標本器具一切物件均由外洋購運或內地採買經過關卡擬請一律免納稅鈔由大學堂發給印單凡經過關卡驗明印單隨時放行庶免留礙至所用各物名目件數悉於印單上詳細開列以便稽覈等因本部查向章官物本有免稅之條大學堂需用書籍儀器等件自可照准官物一律免稅茲於十一月二十八日覆奏奉

旨允准相應劄行總稅務司轉飭遵照等因奉此總稅務司除轉飭各關稅務司查照遵辦外理合備文申復

貴部鑒查可也須至申呈者

右申外務部